



Broj: 02-11-380-5/21

Fojnica: 29.03.2021. godine

Na osnovu člana 64. stav 1. tačka b. i člana 70. stav 1., 2. i 3. Zakona o javnim nabavkama („Službeni glasnik BiH“, broj: 39/14), člana 39. Statuta Općine Fojnica – Prečišćeni tekst („Službene novine Općine Fojnica“, broj: 2/15) a u vezi preporuke Komisije za provođenje postupka javne nabavke, broj: 02-11-380-4/21 od 26.03.2021. godine, Općinski načelnik donosi

ODLUKU **o izboru najpovoljnijeg ponuđača**

Član 1.

Na osnovu provedenog postupka javne nabavke – konkurentski zahtjev za nabavku robe – računarske i druge opreme za potrebe Općine Fojnica u 2021. godini, broj: 02-11-380-1/21 od 11.03.2021. godine, obavještenja o nabavci broj: 546-7-1-10-3-7/21 od 12.03.2021. godine i kriterija najniža cijena, kao najpovoljnijom i ocjenjenom najprihvatljivijom ponudom je ponuda ponuđača „IMTEC“ d.o.o. Sarajevo, sa ponuđenom cijenom od 16.995,00 KM, bez uračunatog PDV-a.

Član 2.

Izabrani ponuđač dužan je nakon prijema Odluke u o izboru dostaviti u roku od 3 (tri) dana originale ili ovjerene kopije dokaza o ispunjavanju uslova iz člana 45. stav (2) Zakona o javnim nabavkama BiH, navedene u tački 3.11. Tenderske dokumentacije, broj: 02-11-380-1/21 od 11.03.2021. godine.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način, postupak javne nabavke će biti poništen.

Član 3.

Po okončanju roka za žalbu, ugovorni organ će pozvati izabranog ponuđača radi zaključivanja ugovora kojim će se regulisati međusobna prava i obaveze vezane za predmetnu nabavku, shodno zahtjevima – uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Za realizaciju ove Odluke zadužuje se Služba za privredu, finansije i budžet Općine Fojnica

Član 4.

Ova Odluka bit će objavljena na web-stranici Općine Fojnica, istovremeno s upućivanjem iste svim ponuđačima koji su učestvovali u postupku predmetne javne nabavke, shodno Zakonu o javnim nabavkama BiH.

Obrazloženje

Postupak javne nabavke robe – računarske i druge opreme za potrebe Općine Fojnica u 2021. godini pokrenut je Odlukom o pokretanju postupka javne nabavke računarske i druge opreme za potrebe Općine Fojnica u 2021. godini, broj: 02-11-380/ 21 od 11.03.2021. godine.

Procijenjena vrijednost predmetne javne nabavke bez PDV-a je 17. 000,00 KM.
Obavještenje o predmetnoj nabavci objavljeno je na portalu javnih nabavki i u sistemu E-nabavke, pod brojem: 546-7-1-10-3-7/21 od 12.03.2021. godine.

Tendersku dokumentaciju je preuzelo 38 ponuđača.

Ponude su blagovremeno dostavila 2 (dva) ponuđača i to:

1. „INTER-COM“ D.O.O. ZENICA
2. „IMTEC“ D.O.O.SARAJEVO

Komisija za provođenje postupaka javne nabavke, imenovana Rješenjem načelnika Općine broj: 02-11-104/21 od 03.02.2021. godine je dostavila načelniku Općine Zapisnik broj: 02-11-380-4/21 od 26.03.2021. godine, o pregledu i ocjeni ponude sa preporukom o izboru najboljeg ponuđača za nabavku robe – računarske i druge opreme za potrebe Općine Fojnica u 2021. godini.

Komisija izvršila provjeru da li ponuđači u predmetnom postupku javne nabavke roba - „računarske i druge opreme za potrebe Općine Fojnica u 2021. godini“ ispunjavaju uslove i zahtjeve za kvalifikaciju tražene tenderskom dokumentacijom.

Zapisnički je konstatovano da ponuda ponuđač pod rednim brojem 1. „INTER-COM“ d.o.o. Zenica nije prihvatljiva iz razloga što isti nije ponudio robu kako je traženo Aneksom 2. Obrazac za cijenu ponude – robe, pod rednim broj 7. „Giljotinja za papir“, čije funkcionalnosti i karakteristike su opisane na stranici 15 pod rednim brojem 7. Tenderske dokumentacije.

Ponuđač „INTER-COM“ d.o.o. Zenica je pod tačkom 7. Aneksa 2, Obrazac za cijenu ponude – robe „Giljotina za papir“, dostavio ponudu cijene što nije sporno, međutim na stranici 15 pod rednim brojem 7 gdje je ponuđačima ostavljena mogućnost da ponude određenu robu sa navedenim karakteristikama i funkcionalnostima ili ekvivalent a isti je ponudio:

„Minimalna tražena tehnička specifikacija i funkcionalni zahtjev ili ekvivalent

	- <u>DAHLE PAPERSAFE 22084</u>
Dužina rezanja: minimalno 32 cm	- 45 mm
Veličina formata trimovanja: minimalno A4	- A4
Kapacitet rezanja: minimalno 8 listova	- 8 listova
Garancija: minimalno 12 mjeseci“	- 12 mjeseci “.

Ponudena roba „DAHLE PAPERSAFE 22084“ nije traženi tip uređaja, ponudena roba je „Uništavač papira“, a ne „Giljotina za papir“ kako je traženo Tenderskom dokumentacijom pod rednim brojem 7 Obrasca za cijenu ponude – robe Aneks 2.

Zbog navedenog ponuda ponuđača „INTER-COM“ d.o.o. Zenica nije prihvatljiva.

Zapisnički je konstatovano da ponuda ponuđača pod rednim brojem 2. „IMTEC“ d.o.o. Sarajevo ispunjava sve uslove i zahtjeve tražene Tenderskom dokumentacijom, te je tim prihvatljiva za ugovorni organ.

S obzirom da su u predmetnom postupku kod Ugovornog organa zaprimljene 2 (dvije) ponude, da ponuda ponuđača pod rednim brojem 1. „INTER-COM“ d.o.o. Zenica nije prihvatljiva iz prednje navedenih razloga i da je ostala smo 1 (jedna) prihvatljiva ponuda,

ponuđača „IMTEC“ d.o.o. Sarajevo u skladu sa Pravilnikom o uslovima i načinu korištenja E-aukcije, Ugovorni organ nije zakazivao E-aukciju.

Uzimajući u obzir prethodno navedeno obrazloženje Komisija predlaže ugovornom organu da ugovor za nabavku robe - računarske i druge opreme za potrebe Općine Fojnica u 2021. Godini, dodjeli ponuđaču „IMTEC“ d.o.o. Sarajevo koji je ponudio ukupnu cijenu za ugovor u iznosu od 16. 995,00 KM, bez PDV-a.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalificiranog ponuđača, shodno kriteriju iz Tenderske dokumentacije.

U postupku ocjene provedenog postupka, načelnik Općine nije našao nepravilnosti ili propuste u radu, koji bi mogli biti razlog za neprihvatanje preporuke Komisije za provođenje postupaka javnih nabavki.

Naime, utvrđeno je da je izbor najpovoljnijeg ponuđača izvršen sukladno Zakonu o javnim nabavkama i Tenderskoj dokumentaciji.

Imajući u vidu prednje navedeno primjenom člana 64. stav 1. tačka b. Zakona o javnim nabavkama odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke dozvoljena je žalba u pisanoj formi na način i u roku propisanom članom 99. i 201. Zakona o javnim nabavkama.

Žalba se izjavljuje Uredu za razmatranje žalbi, putem Općine Fojnica, kao prvostepenog organa.

Dostavljeno:

- Ponuđačima, Imtec“ d.o.o. Sarajevo
i „Inter-Com“ d.o.o. Zenica
- Služba za privredu, finansije i budžet
- Evidencija
- A/a


OPĆINSKI NAČELNIK

Sabahudin Klisura, dipl. ing.

